

- Intus pontus erat, pontus erat foris;
 Intus turba, foris chaos¹.
 25 Caetus praeterea cernitur insequi;
 Nos sorbere volens ore minax hyat.
 Caudae verberibus tum mare turbidat;
 Undarum cumulos agit.
 Heu! heu! quantus erat Leviathan vorax,
 30 Qui sorbens leviter grandia flumina
 Confidit, quo in os ipsius influat
 Iordanis², lavachrum dei.
 Nos clamare deum: 'Mitte cito, deus,
 Hamum, quem timet haec sautia belua.
 35 Nostras huic animas tradere ne velis.
 Assis, o genitrix dei!'
 Cum virgo, domini mater amabilis,
 Vere stella maris, portus et anchora,
 Ad litus veniens visa procul fuit.
 40 Iam spes tota refugerat.
 Nobis illa manum porrigit, et suam
 Prendens naviculam fluctibus eruit,
 Et tuto tremulam littore collocat;
 Cognosci quoque se dedit.

III.

- Certior statim docuit figura,
 Illa quae navis fuit: inter undas
 Scilicet cepit mulier videri
 Iam gravis aevo.
 5 Cepit agnosci Syon illa mater,
 Cuius anguores vigilans dolebam;
 Quamlibet tristi miseranda cultu,
 Pulchra videri.
 Regii cultus nichil afferebat;
 10 Crinibus passis pedibusque nudis,
 Pulverem spargens capiti soluto,
 Pectora tundens³:
 Non habens mitram, nec habens inanes;
 Non ei torques, nec erat monile;
 15 Non tenens palmam, nec habens coronam,
 Nec diadema.
 Pectoralis⁴ fascia, brachiale,
 Fibule, dextralia, zona, vittae,
 Quislibet cultus alii, dolentem
 20 Non decuere.

1) Vgl. 2 Cor. 7, 5 'foris pugnae; intus timores'. 2) Iob. 40, 18
 'Ecce absorbebit fluvium . . et habet fiduciam, quod influat Iordanis in
 os eius'. 3) Aen. I, 480 'Crinibus Iliades passis . . | . . et tunsae pec-
 tora palmis'. 4) 'Pectoraf' cod.